

**Sastanak na visokom nivou o srednjoročnim socioekonomskim reformama, Bijeljina,
13. februar 2020. godine**

Zaključci

1. Predstavnicima Vijeća ministara Bosne i Hercegovine (BiH), entitetskih vlada i Evropske unije (EU) sastali su se u Bijeljini, 11. do 13. februara 2020. godine. Sastanku su takođe prisustvovali predstavnici donatora i međunarodnih finansijskih institucija, uključujući predstavnike ambasada Sjedinjenih Američkih Država, Ujedinjenog Kraljevstva, Njemačke te Međunarodnog monetarnog fonda, Svjetske banke, Evropske investicijske banke, Evropske banke za obnovu i razvoj i Međunarodne finansijske korporacije (IFC);
2. Domaće vlasti su podsjetile na težnju zemlje da osigura kandidatski status za članstvo u EU i ponovile svoju opredijeljenost da izrade i provedu politike za rješavanje ključnih socioekonomskih izazova s kojima se suočava BiH i njeni građani, a u skladu sa zahtjevima iz Mišljenja Evropske komisije o zahtjevu BiH za članstvo u EU;
3. U skladu sa zaključcima Vijeća EU o BiH iz decembra 2019. godine, predstavnika Evropske unije je ponovio nedvosmisleno posvećenost perspektivi Bosne i Hercegovine u Evropskoj uniji i to kao jedinstvene, nedjeljive i suverene zemlje;
4. Učesnici su potvrdili da dokument naziva „Zajedničke socioekonomske reforme za period 2019. do 2022. godine“, koji su entitetske vlade usvojile 10. oktobra 2019. godine, a Vijeće ministara 30. januara 2020. godine pod nazivom „Socioekonomske reforme u Bosni i Hercegovini za period 2020. do 2022. godine“, predstavlja važan plan za rješavanje ključnih socioekonomskih izazova s kojima se BiH suočava;
5. Domaće vlasti su se usaglasile da nadopune akcione planove za provedbu socioekonomskih reformi, koje su već usvojili svi nivoi vlasti sa ključnim kratkoročnim socioekonomskim prioritetima sadržanim u Prilogu ovog dokumenta. Navedeni prioriteti proističu iz Mišljenja Evropske komisije, pratećeg Analitičkog izvještaja te Zajedničkih zaključaka ekonomskog i finansijskog dijaloga;
6. Premda je svaki nivo vlasti odgovoran za provedbu mjera iz svoje nadležnosti, domaće vlasti su ponovile svoje opredjeljenje za unapređenje koordinacije i saradnje različitih nivoa vlasti, prepoznajući međusobnu povezanost privrednih aktivnosti u cijeloj zemlji. Navedeno će između ostalog obuhvatiti unapređenje Programa ekonomskih reformi radi predstavljanja jednog dosljednog i konsolidovanog dokumenta sa analizom i politikama za cijelu zemlju;
7. Evropska unija, vodeći donatori i međunarodne finansijske institucije još jednom su potvrdili svoju opredijeljenost da podrže proces reformi kroz bespovratna sredstva, zajmove i tehničku pomoć, a na temelju mjerila za praćenje provedbe reformi, koja će se naknadno usaglasiti;
8. U svjetlu predstojećeg samita EU i zemalja Zapadnog Balkana u Zagrebu, 7. maja 2020. godine, učesnici su dogovorili ponovni sastanak u sličnom formatu za dva mjeseca, u cilju razmatranja toka procesa i usvajanja sveobuhvatnih akcionih planova za provedu socioekonomskih reformi.